

Umwanditsi: Jackie Lewis, Ushinzwe itangazamakuru mu Mushinga L3, jlewis@edc.org, 0784187997

Amashuri abanza afashwa na Leta yahawe imfashanyigisho nshya z'ibitabo n'ibikoresho ndangururamajwi.

Kigali, Rwanda—Ku wa 18 Werurwe 2015

Ibitabo bishya birimo igitabo cy'umwarimu, ibitabo by'abanyeshuri byo gusoma, ibitabo bikubiyemo imyandiko isomerwa abanyeshuri n'amasomo anyuzwa ku ndangururamajwi bigenewe umwaka wa gatatu mu masomo y'Ikinyarwanda, Imibare n'Icyongereza, byagejejwe mu mashuri yose abanza afashwa na Leta uko ari 2,467, mu gihugu cyose.

Izo mfashanyigisho, ziteguwe ku buryo hakoreshwa uburyo ziteza imbere ubushobozi mu gusoma, kwandika no kubara. Zateguwe n'Ikigo Gishinzwe Guteza Imbere Uburezi mu Rwanda REB, kibitewemo inkunga n'Ikigo cy'Abanyamerika Gishinzwe Amajyambere Mpuzahamahanga(USAID), binyujije mu Mushinga Ugamije Guteza Imbere Gusoma, Kwandika no Kubara(L3), ushyirwa mu bikorwa n'Ikigo Gishinwe Guteza Imbere Uburezi(EDC), gifite gifite icyicaro muri Leta Zunze Ubumwe z'Amerika.

Mu mwaka wa 2014, mu Gihugu hose, amashuri abanza afashwa na Leta yatangiye gukoresha imfashanyigisho zateguwe muri iyo gahunda mu mwaka wa mbere n'uwa kabiri. Imfashanyigisho zagenewe umwaka wa gatatu, zije mu rwego rwo gukomeza iyo gahunda zikaba zirimo igitabo kigenwe umwarimu, ibitabo bikubiyemo imyandiko isomerwa abanyeshuri by'ikinyarwanda n'icyongereza n'igitabo cy'umunyeshuri.

Umwaka ushize ayo mashuri yahawe terefone n'indangururamajwi byo kunyuzaho amasomo ategwa amatwi, atuma abanyeshuri bagira uruhare mu myigire. Muri ukwezi ushize amashuri yahawe ibyo bikoresho bigenewe umwaka wa gatatu.

Nk'uko Umuybozi w'Ikigo cy'Igihugu Gishinzwe Uburezi mu Rwanda Janvier GASANA yabivuze, "umwaka wa 2014, wabaye umwaka ukomeye mu burezi: hatanzwe ibitabo birenga miriyoni esheshatu mu mashuri, hamwe n'imfashanyigisho zitegwa amatwi zo gufasha mu myigire n'imyigishirize, kandi REB n'abafatanyabikorwa bayo bashoje itegurwa ry'integanyanyisho nshya.

Muri iki gihe umwaka wagatatu warangije kubona ibikoreresho, ni ngombwa ko abafatanyabikorwa mu burezi bo mu nzego zose bafatanya kugira ngo izi mfashanyigisho zitange umusaruro munini mu myigire y'abanyeshuri mu gihugu cyose. Muri bo twavuga abarimu, abafasha mu burezi, ababyeyi, abayobozi b'Inzego z'Ibanze ku Murenge no ku Karere, n'abajyana b'abaturage."

Izo mfashanyigisho zizyanye n'integanyanyigisho: Igitabo cy'umwarimu cyerekana mu buyo burambuye uburyo bwo kwigisha isomo hakoreshejwe imfashanyigisho nshya n'uburyo bwo kuzikoresha. Abafasha mu burezi (school-based mentors) barimoguhugura abarimu mu gukoresha izo mfashanyigisho.

Amashuri arashishikarizwa gufata neza izo mfashanyigisho no kubungabunga ibikoresho by'ikoranabuhanga, bakangurira abanyeshuri gufata neza ibitabo byabo batahana buri munsi.

Iyi gahunda isaba ko n'ababyeyi bagira uruhare mu burezi no mu mwigire y'abana babo, bareba ko abana batahana ibitabo mu rugo kandi bakabyitaho. Ababyeyi bose barasabwa kwicarana n'abana babo, bakumva uko basoma nibura mu gihe nk'icy'iminota cumi n'itanu, bakabafasha kandi bakajya babashimira uburyo bafite umwete n'uburyo bagenda batera imbere mu gusoma. Nk'uko bigaragazwa n'Ikigo Gishinzwe Guteza Imbere Uburezi mu Rwanda, abana basomera ku ishuri no mu rugo bagira ubushobozi bwo gusoma bakanabikunda kurenza abasomera ku ishuri gusa.

Umuyobozi wa USAID mu Rwanda, Bwana Peter Malnak yaragize ati:"Twashimishijwe cyane n'uburyo imfashanyigisho z'umushinga L3 mu mwaka ushize zagize umusaruro mwiza mu mwaka wa mbere n'uwa kabiri y'amashuri abanza. Dushishikajwe no guhera ku byagezweho muri iyo myaka kugira ngo n'imfashanyigisho zigenewe umwaka wa gatatu zizagire umusaruro utubutse; mu gufasha abanyeshuri kwiga bashishikaye no kugeza ku barimu n'ababyeyi ibikoresho bibafasha kugeza ku banyeshuri uburezi bufite ireme.

Mu mwaka wa 2016, gahunda yo guteza imbere Gusoma, kwandika no kubara izageza izo mfashanyigisho ku banyeshuri bo mu mwaka wa kane w'amashuri abanza.

##

Umushinga Ushinzwe Guteza Imbere Gusoma, Kwandika no kubara, uraharanira gushyira ingufu mu myigire n'imyigishirize, ku buryo abanyeshuri barangiza amashuri abanza bafite ubushobozi buhagije mu gusoma no kwandika. Umushinga L3 Uterwa inkunga n'Ikigo cy'Abanyamerika Gishinzwe Iterambere Mpuzamahanga(USAID) , ugashyirwa mu bikorwa n'Ikigo Cyita ku Guteza imbere UBurezi(EDC), gifatanyije n'abafatanyabikorwa n'Ikigo Gishinzwe Guteza Imbere Uburezi mu Rwanda(REB) gikorera muri Minisiteri y"uburezi

Sura urubuga <http://l3.edc.org>.